

晋渤海派

渤海郡派，居冀州渤海郡，重合县都寿乡仁桂里，当晋时有曰举、曰迹、曰纯、以其族随晋渡江，散居丹阳、吴郡、豫章，皆不显。後有建者，字坚石，辟公府，历山阳令尚书郎，仕至冯翊太守。雅有理思，才藻、美贍，擅名北州。时人为之语曰：“渤海赫赫，欧阳坚石甚得时誉。”晋惠帝末，赵王伦者作乱，以绿珠系石崇爱妾也，故恶石崇诛戮灭之，坚石、石崇甥也，遂为伦所杀。临终有诗数十言，甚哀楚。其辞曰：“伯阳适西戎，孔子欲居蛮。苟怀四方志，随处可游盘。况乃遭屯邅，颠沛遇灾患。古人远机兆，策马游近关。咨余冲且暗，抱清守微官。潜图密已拘，成此祸害端。恢恢六合间，四海一何宽。天纲布乾纲，投足不获安。松柏隆冬翠，然后知岁寒，不涉太行险，谁知斯路难，真伪因事显，人情难据观。穷达有定分，慷慨复何叹。上负慈母恩，痛惜摧心肝。下顾所怜女，恻恻心中酸。二子弃若遗，今皆遘凶残。不惜一身死，惟此如循环。执纸五情塞，挥笔如汎澜”建时年三十余，人莫不悼惜之。建之兄名基，基子质，字纯之。惧祸及己，乃携族南奔，家长沙

潭州之临湘。湖南之有欧阳，盖质始，渤海遂乏人矣。
质之弟崇文，水衡都尉。一子成，为颖王长史。成生晋，
晋生启明，为太子洗马；启明生乾，为东观校书；乾生
焕，焕生景达，为长沙初祖。